

Nr.	Data e regjistrimit të kërkesës	Data e kthimit të përgjigjes	Kërkesa	Përgjigje	Mënyra e përfundimit të kërkesës
1	11.02.2026	11.02.2026	Informacion lidhur me numrin e klinikave estetike në Tiranë	Përcjellje për kompetencë dhe trajtim tek Qendra Kombëtare e Biznesit.	E deleguar
2	11.02.2026	11.02.2026	Informacion lidhur me institucionin që lëshon licencat II.6.A.3 "Klinikë stomatologjike" dhe II.6.A.1 "Laborator dentar"	Përgjigje se referuar Vendimit të Këshillit të Ministrave Nr.538, datë 26.05.2009 "Për Licencat dhe Lejet që trajtohen nga apo nëpërmjet Qendrës Kombëtare të Licensimit (QKL) dhe disa rregulla të tjera nënligjore të përbashkëta" të ndryshuar, institucioni i cili shqyrton dhe merr vendim lidhur me licencat në fushën e shëndetësisë: II.6.A.3 "Klinikë stomatologjike" dhe II.6.A.1 "Laborator dentar" është Qendra Kombëtare e Biznesit.	E plotë
3	24.02.2026	02.03.2026	Informacion lidhur me punësimin në aparatën e MSHMS.	Përgjigje se punësimi për aparatën e Ministrisë së Shëndetësisë dhe Mbrojtjes Sociale bëhet nëpërmjet portalit të Departamentit të Administratës Publike, ku parashikohen të gjitha elementët e kërkuara nga ana juaj. Për më shumë, mund të konsultoni linkun: <a href="#">Link</a> .	E plotë

4	06.03.2026	09.03.2026	Informacion lidhur me kreditë e lehtësuara për blerjen e banesës.	Përgjigje se aplikimet për të përfituar nga trajtimi me kredi të lehtësuara për blerjen e banesës, fillojnë pas miratimit të kuotave për vitin 2026, nëpërmjet Vendimit të Këshillit të Ministrave.	E plotë
5	09.03.2026	10.03.2026	Informacion lidhur me ndërtimin e godinës së parkimit në Qendrën Spitalore Universitare “Nënë Tereza”.	Përcjellje për kompetencë dhe trajtim tek Fondi Shqiptar i Zhvillimit.	E deleguar
6	09.03.2026	12.03.2026	Informacion lidhur me Prekursorët e Drogës.	Përgjigje se Çertifikata e Regjistrimit për Importim, Eksportim, Ruajtje dhe Tregtim me Shumicë të Prekursorëve të Drogës të Kategorisë 3, e cila lëshohet nga Ministria e Shëndetësisë dhe Mirëqenies Sociale për prekursorët e kategorisë 3, është e vlefshme kundrejt licencës profesionale dhe për aq kohë sa nuk tejkalohet sasia e deklaruar për import gjatë vitit kalendarik. Në rast të tejkalimit të sasive të deklaruara, duhet të paraqitet menjëherë kërkesë për rinovimin e çertifikatës. Kjo nënkupton se, nëse çertifikata është lëshuar në vitin 2025, sasia e miratuar për import i përket vitit kalendarik 2025.	E plotë

7	10.03.2026	13.03.2026	Informacion lidhur me reformën në sistemin spitalor.	<p>Përgjigje se për pyetjet shteruese në lidhje me reformën në sistemin spitalor dhe njëkohësisht me forcimin e shërbimeve të kujdesit parësor, theksojmë se jemi ende në fazën e hartimit të draft-planit të reformës. Në qendër të objektivave tona mbetet vijueshmëria e shërbimeve cilësore për pacientët, si edhe mirëorganizimi i strukturave shëndetësore në nivel kombëtar.</p> <p>Në këtë fazë është ende herët për të dhënë përgjigje të detajuara ndaj pyetjeve tuaja në lidhje me drejtimit konkrete të kësaj reforme.</p>	E plotë
8	19.03.2026	24.03.2026	Informacion lidhur me funksionimin e shërbimit të kardiokirurgjisë në QSUNT.	Përcjellje për kompetencë dhe trajtim tek Qendra Spitalore Univesitare “Nënë Tereza”.	E deleguar
9	26.03.2026	30.03.2026	Informacion lidhur me përfundimin e koncesionit “të sterilizimit të pajisjeve kirurgjikale”.	Përgjigje se pas përfundimit të kontratës koncesionare për shërbimin e sterilizimit të pajisjeve kirurgjikale, në zbatim të Vendimit të Këshillit të Ministrave nr. 845, datë 30.12.2025, “Për krijimin e shoqërisë aksionare për ofrimin e shërbimit të integruar të sterilizimit”, funksionet dhe përgjegjësitë përkatëse janë transferuar nga modeli koncesionar në administrim publik, nëpërmjet një subjekti shtetëror të organizuar në formën e shoqërisë aksionare.	E plotë

10	09.04.2026	10.04.2026	Informacion lidhur me laboratorët biokimik dhe mikrobiologjik.	Përcjellje për kompetencë dhe trajtim tek Qendra Kombëtare e Biznesit.	E deleguar
11	10.04.2026	14.04.2026	Informacion lidhur me vulosjen e dokumentacionit pranë MSHMS.	Përgjigje se dokumentat për vulosje mund të sillen dorazi ose dërgohen me postë pranë Ministrisë së Shëndetësisë dhe Mirëqenies Sociale, por normalisht që duke i sjellë dorazi perfundon më shpejt si procedurë, pasi eviton kohën që i nevojitet postës për t'i sjellë.	E plotë
12	23.04.2026	23.04.2026	Informacion lidhur me punësimin si infermier dhe dokumentacionin e nevojshëm.	Përgjigje se lidhur me dokumentacionin për ushtrimin e profesionit autoriteti kompetent është Urdhri i Infermierit në Republikën e Shqipërisë.  Punësimi i personelit infermierë dhe i teknikëve të tjerë të shkencave mjekësore bëhet nëpërmjet Portalit “Infermierë për Shqipërinë”.	E plotë
13	25.04.2026	28.04.2026	Informacion lidhur me rrezikun e kontaminimit të produkteve ushqimore për bebe.	Përcjellje për kompetencë dhe trajtim tek Autoriteti Kombëtar i Ushqimit.	E deleguar

14	27.04.2026	07.05.2026	Informacion lidhur me produktet ushqimore për foshnja të kompanisë HiPP në Shqipëri.	<p>Përgjigje se deri në këtë moment, Instituti i Shëndetit Publik nuk ka pasur në dispozicion informacion zyrtar të transmetuar nga sistemet ndërkombëtare të njoftimit dhe shkëmbimit të informacionit për sigurinë ushqimore, përfshirë Sistemin Evropian të Njoftimit të Shpejtë për Ushqimin dhe Ushqimin për Kafshë (RASFF); Rrjetin ndërkombëtar INFOSAN, si dhe asnjë komunikim zyrtar nga institucionet përgjegjëse të Bashkimit Evropian apo nga institucioni kompetent kombëtar për kontrollin zyrtar të ushqimit dhe menaxhimin e riskut (Autoriteti Kombëtar i Ushqimit), lidhur me importimin ose tregtimin në Shqipëri të produkteve të përmendura.</p> <p>Në mungesë të një informacioni të tillë zyrtar dhe të konfirmuar, nuk është kryer një vlerësim i rrezikut shëndetësor për popullatën foshnjore në Shqipëri. Për rrjedhojë, duke qenë se nuk ka të dhëna për ekspozim të popullatës foshnjore në Shqipëri ndaj këtyre produkteve, nuk janë ndërmarrë masa specifike apo dhënë udhëzime për institucionet përgjegjëse në vend.</p> <p>Gjithsesi, në kuadër të shqetësimeve të ngritura nga raportimet mediatike, Instituti i Shëndetit Publik ka kërkuar informacion shtesë dhe të detajuar për rastin.</p> <p>Nga shqyrtimi i informacionit të disponueshëm deri më tani, rezulton se produktet ushqimore për foshnja me rrezik për shëndetin janë tregtuar vetëm në Austri, Republikën Çeke dhe Sllovaki (1-6). Ministria e Shëndetësisë dhe Mirëqenies Sociale dhe Instituti i Shëndetit Publik mbeten të angazhuar për të ndjekur çdo informacion zyrtar që mund të vijë përmes kanaleve ndërkombëtare ose institucioneve kompetente kombëtare dhe, në rast se do të konfirmohet një rrezik real për shëndetin publik në Shqipëri, do të merren menjëherë masa përkatëse dhe do të informohet publiku në mënyrë transparente.</p>	E plotë
----	------------	------------	--	--	---------

15	20.05.2026	25.05.2026	Informacion lidhur me Programin Kombëtar të Kontrollit Bazë “Check-up”.	<p>Përgjigje se mbulimi Universal Shëndetësor është politikë kyçe e Strategjisë Kombëtare të Shëndetësisë 2021-2030, ku specifikohet ofrimi i shërbimeve shëndetësore cilësore dhe të barabarta për të gjithë popullsinë. Këto politika janë reflektuar në zbatimin e Programit Kombëtar të Kontrollit Bazë “Check-Up” dhe në heqjen e bashkëpagesave për vizitat në shërbimet shëndetësore, duke përmirësuar kështu aksesin në shërbimet e Kujdesit Shëndetësor Parësor (KSHP).</p> <p>Gjithashtu, ligji nr.10383, datë 24.02.2011, “Për Sigurimin e Detyrueshëm të Kujdesit Shëndetësor në Republikën e Shqipërisë” i ndryshuar, mundëson vizita falas tek mjeku i familjes për të gjithë popullsinë rezidente në Shqipëri. Ky shërbim mbulon edhe individët e pasiguruar që kërkojnë konsultë me mjekun e familjes.</p> <p>Aktualisht, shërbimi i kontrollit mjekësor bazë (check-up) ofrohet për grupmoshat 35–70 vjeç, në përputhje me fashën e përcaktuar për përfitimin e këtij shërbimi.</p> <p>Politikat e Ministrisë së Shëndetësisë dhe Mirëqënies Sociale (MSHMS), në drejtim të programeve të parandalimit të sëmundjeve jo të transmetueshme, janë në proces të heqjes së kufirit maksimal të moshës për programin e Check-Up-it. Në këtë kuadër, programi pritet të funksionojë për të gjithë personat mbi moshën 35 vjeç.</p> <p>Vlen të theksohet që ky program është depistues në popullatë, pra i ofrohet popullatës së shëndoshë me qëllim identifikimin e parakohshëm të sëmundjeve jo të transmetueshme.</p> <p>Pranë institucioneve publike shëndetësore përkatëse, çdo qytetar pas konsultimit me mjekun, mund të kryejë setin e analizave të përshtatshme për gjëndjen e tyre shëndetësore.</p>	E plotë
----	------------	------------	---	--	---------

16	22.05.2026	25.05.2026	Informacion lidhur me dokumentacionin për vulosje pranë MSHMS.	Përgjigje se dokumentet për vulosje mund të sillen dorazi ose dërgohen me postë, por normalisht që duke i sjellë dorazi perfundon më shpejt si procedurë, pasi eviton kohën që i nevojitet postës për t'i sjellë, në orarin E hënë – E enjte 08.00-16.30 E premte 08.00-14.00.	E plotë
----	------------	------------	--	--	---------